



BOSNIA AND HERZEGOVINA
MINISTRY OF FINANCE
AND TREASURY

Portal Slobodna Bosna
Glavni i odovorni urednik Senad Avdić

Sarajevo, 16. 10. 2019.
Broj: 01-90-1/19

PREDMET: Demanti na tekst objavljen na portalu Slobodna Bosna 16.10.2019. godine pod naslovom: „*BIVŠI PREMIJER PROTIV AKTUELNOG: Bevanda tužio Zvizdića za odluku koju je donijelo cijelo Vijeće ministara*“!

Poštovani,

na portalu Slobodna Bosna danas, 16.10.2019. godine, objavljen je tekst pod naslovom: „*BIVŠI PREMIJER PROTIV AKTUELNOG: Bevanda tužio Zvizdića za odluku koju je donijelo cijelo Vijeće ministara*“ u kome su iznesene neistine o meni i Ministarstvu na čijem sam čelu.

Ni jedan argument ne postoji za to što tvrdite u naslovu, niti se trudite da to dokažete i obrazložite u tekstu, a posebno je neshvatljivo da niste ni pokušali da nazovete nekoga u Ministarstvu financija i trezora BiH da provjerite informacije.

S obzirom na to da sam više puta ignorirao zlonamjerna pisanja o meni na Vašem portalu, ovog puta posvetit ću dužnu pažnju kleveti koju iznosite ne samo o meni kao ministru financija i trezora BiH nego i Ministarstvu u kome rade profesionalci i odgovorni službenici.

Kada dokažete to što pišete u pomenutom tekstu da je, „*krivična prijava protiv Denisa Zvizdića pokrenuta iz Ministarstva finansija i trezora BiH (minister Vjekoslav Bevanda) a odnosi se na navodnu zloupotrebu ovlasti...*“ onda za takvu tvrdnju morate iznijeti određene argumente.


To što mediji objavljuju anonimne krivične prijave i citiraju nešto što je tamo navedeno može biti predmet vašeg slobodnog i zlonamjernog tumačenja u internim razgovorima vaših novinara i njihovih sugovornika, ali ne može biti tvrdnja javno objavljena na portalu koji dnevno broji tisuće pregleda.

Tekstovi i naslovi bez ijednog argumenta možda jesu način da se lakše dođe do zarade, ali sigurno nisu profesionalno i objektivno informiranje javnosti.

Postoje pravila ponašanja u svemu pa i o javno izgovorenoj riječi i ovog puta, dokazat ćete na sudu to što tvrdite u pomenutom tekstu.

Samo površan pregled naslova na Vašem portalu ukazuje na to da vas ne zanimaju činjenice već obračun sa mnom, točnije s mojom političkom strankom i tu bitku možete nastaviti, ali u to ne možete miješati državne službenike Ministarstva financija i trezora BiH koji odgovorno obavljaju svoj posao i nisu dužni da trpe politička prepucavanja.

Zahtijevam od Vas da moj demanti objavite u cijelosti na Vašem portalu, jer ću sadsfakciju potražiti na nadležnom sudu.



Ministar
Vjekoslav Bevanda